

-ԿԾ-, -ՇԾ- ունեցող ցեղանունների համառոտած հավաքական ձևից՝ պատկանելության ցուցիչի միջոցով: Նդիշեի առաջին ցուցակում հիշատակած ,,գղուար'', ,,խրսան'', ,,փախս'', ,,փոսխ'', ,,փիւքուան'' ցեղանունները համապատասխանում են հիշյալ սկզբունքին և երկրորդ ցուցակում հենց դրանք էլ, թերևս, արտացոլված են ,,խիբիովան'' հավաքական անվամբ:

7. Վաղ հայկական աղբյուրներում հիշատակված աղվանական ցեղանունների և առկա լեզգիալեզու խմբերի էթնանվանահամակարգի վերոհիշյալ բաղդատությունը ցույց է տալիս, որ աղվանական բազմաթիվ ցեղախմբերի նախնական ցեղանունները, ինչպես նաև դրանց կրողների հետագա սերունդները պահպանվել են ի դեմս արտաքին աշխարհին մեծ մասամբ այլ անուններով հայտնի էթնիկ հանրությունների: Բուն Աղվանքի տարածքում հետագայում բնակավորված թյուրքալեզու խմբերը, ըստ էության, շնչին չափով են միայն ձուլվել երկրի նախկին տերերին. վերջիններս գոյատևել են իրենց լեզուների, մշակույթի ավանդական ձևերի բնական զարգացման, էթնանունների պահպանման շրջանակներում:

Կ.Ռ.ՔԱԶԵՑԱՆ

ՀԱԻ

ԱՍԵՂՆԱԳՈՐԾՈՒԹՅՈՒՆԸ ՀԱՅԱՍՏԱՆ ՄԱՆՐԱՆԿԱՐՆԵՐՈՒՄ

1. Հայկական միջնադարյան ձեռագրային մանրանկարչությունը հայ կերպարվեստի ուշագրավ մյուզեոլոգից է: Այն բազմիցս զրավել է հայ և օտարազգի արվեստաբանների ուշադրությունը, սակայն ազգագրորեն տակավին չի ուսումնասիրված, միայն երբեմն հպանցիկ են դրան անդրադարձել: Մանրանկարները, լինելով յուրօրինակ սկզբնաղբյուր բազմազան տեղեկություններ են պարունակում միջնադարյան հայ արվեստի, թատրոնի, արհեստների և կենցաղի վերաբերյալ, որոնց ներկայացմանն էլ հենց վերաբերվում է Ա.Գևորգյանի ,,Արհեստները և կենցաղը հայկական մանրանկարներում'' ալբոմը:

2. Հայկական միջնադարյան ասեղնագործության առարկայական նմուշների զրեթե բացակայության պայմաններում մանրանկարները, ի թիվս ոստայնանկության մյուզեոլոգի՝ կտավագործության և գորգագործության,

շատ արժեքավոր պատկերային և նկարագրական տվյալներ են պարունակում նաև ասեղնագործության վերաբերյալ:

3. Մանրանկարներում առկա ասեղնագործ իրերի բազմազանությունը հնարավորություն է տալիս առանձնացնելու ասեղնագործության երեք խումբ՝ աշխարհիկ տարազի, եկեղեցական հանդերձների ու սպասքի և կենցաղային իրերի, ըստ այդմ, անհամեմատ սակավ են աշխարհիկ-տարազին, մանավանդ հասարակ ժողովրդի ասեղնագործությանը վերաբերող տվյալները, եղածն էլ համեստագույն նմուշներ են: Մինչդեռ վերնախավի՝ արքայական, իշխանական տների ներկայացուցիչների հագուստների ասեղնագործությունն ավելի ամբողջական է ներկայացված և խիստ արժեքավոր է: Ավելի հաճախ հանդիպում են եկեղեցական ասեղնագործության և կենցաղային իրերի պատկերներ՝ հանուր բազմազանությամբ, որոնք վկայում են ասեղնագործության արվեստի լայն տարածվածությունը միջնադարյան Հայաստանում:

4. Հայկական մանրանկարչությունը բացառիկ աղբյուր է հատկապես միջնադարյան ասեղնագործության տեխնիկական, որակական, գունային և զարդանախշային նրբությունները հետազոտելու առումով, մի բան, որը չի կարող տալ զրավոր աղբյուրը: Ըստ այդ տվյալների կարելի է եզրակացնել, որ միջնադարյան Հայաստանում /իհարկե, վերնախավային և եկեղեցական միջավայրում/ տարածված է եղել ոսկեթել, արծաթաթել և մետաքսահյուս ասեղնագործությունը, որը հանդիպում է ինչպես առանձին տարրերով, այնպես էլ որպես մեկ միասնական համալիր: Ինչպես ակներև է դառնում բուն նյութերից, միջնադարյան ասեղնագործության զարդանախշերում առավել սիրվածը և գործածականը եղել են ոճավորված երկրաչափական, ապա բուսական զարդանախշերը: Մյուս զարդանախշերի վերաբերյալ շատ քիչ են կամ իսպառ բացակայում են նյութերը:

Այսպիսով, հայկական միջնադարյան մանրանկարչության քննու-թյունը թույլ է տալիս ասելու, որ ասեղնագործությունը միջնադարյան Հայաստանում եղել է ամենատարածված և հարգի արհեստներից, որպիսի հանգամանքը վկայվում է նաև այլ աղբյուրներով: